

Dreuchd:	Oifigear Phlanaichean Cànan
Tuarastal:	B2: £36,944 - £42,244
Stèidhichte:	Ri aontachadh
Uairean:	Làn ùine
Fo stiùir:	Manaidsear Foghlaim
Cùmhnant:	Maireannach

Bòrd na Gàidhlig

'S e Buidheann Phoblach Neo-roinneil Ghnìomhach a th' ann am Bòrd na Gàidhlig a chaidh a stèidheachadh fo Achd na Gàidhlig (Alba) 2005. Is e a' phrìomh bhuidheann ann an Alba a tha an urra ri leasachadh na Gàidhlig, a' gabhail a-steach a bhith a' toirt comhairle do Mhinistearan na h-Alba air cùisean Gàidhlig.

Tha Bòrd na Gàidhlig ag obair gus Gàidhlig a bhrosnachadh ann an com-pàirteachas le Riaghaltas na h-Alba, Ùghdarrasan Ionadail, Buidhnean Poblach, buidhnean com-pàirteachais, agus coimhearsnachdan.

Tha Bòrd na Gàidhlig airson a raon-ùghdarrais a choileanadh tro bhith a' libhrigeadh a Phlana Chorporra, a bharrachd air a bhith a' cur ri libhrigeadh Plana Nàiseanta na Gàidhlig.

Adhbhar na dreuchd

Tha planaichean Gàidhlig a' comharrachadh nan dòighean anns am bi ùghdarrasan poblach a' cruthachadh chothroman do dhaoine Gàidhlig a chleachdadh an lùib obair is seirbheisean nan ùghdarrasan poblach sin, agus bidh na planaichean aca a' cur taic ri prìomhachasan a' Phlana Cànan Nàiseanta Ghàidhlig. Bidh an t-oifigear a' cuideachadh ùghdarrasan poblach nuair a tha iad a' dealbh a' chiad phlana aca agus nuair a bhios iad ag ùrachadh nam planaichean aca, mus tèid aonta foirmeil iarraidh bhon Bhòrd.

Tha e an urra ris an neach-dreuchd dèanamh cinnteach gun tèid prìomhachasan a' Phlana Cànan Nàiseanta Ghàidhlig a chur an gnìomh tro na planaichean Gàidhlig aig na h-ùghdarrasan poblach, gu sònraichte le bhith a' togail dàimhean làidir agus èifeachdach le oifigearan aig na h-ùghdarrasan poblach.

Prìomh thaobhan den dreuchd seo

1. A' dèanamh cinnteach gu bheil gach plana Gàidhlig aontaichte a' cur ri mar a thèid prìomhachasan a' Phlana Cànan Nàiseanta Ghàidhlig a chur an sàs.
2. A' dèanamh cinnteach gun coilean Bòrd na Gàidhlig na dleastanasan reachdail againn fo Achd na Gàidhlig (Alba) 2005 a thaobh a bhith ag iarraidh air ùghdarrasan poblach planaichean Gàidhlig ullachadh a' cleachdadh An Stiùireadh Reachdail air Deasachadh Phlanaichean Gàidhlig.

3. A' dèanamh cinnteach gun coilean Bòrd na Gàidhlig na dleastanasan reachdail againn fo Achd na Gàidhlig (Alba) 2005 a thaobh a bhith sgrùdadh mar a choileanas ùghdarrasan poblach na tha iad a' gealltainn sna planaichean Gàidhlig aca.
4. A' togail dàimhean làidir agus èifeachdach leis ar luchd-ùidh ann an ùghdarrasan poblach tro chonaltradh cunbhalach - a' toirt seachad comhairle agus fios-air-ais air cùisean co-cheangailte ri planaichean Ghàidhlig
5. A' gabhail uallach airson gach seòrsa obair rianachd co-cheangailte ri obair nam planaichean.
6. A' measadh aithisgean dearcnachaidh, a cumail coinneamhan adhartas agus bidh agaibh ri tuilleadh fiosrachaidh agus/no fianais iarraidh ma bhios sin a dhìth.

Dleastanasan Sònraichte

Thathar an dùil gun coilean an neach san dreuchd seo obair no dleastanasan sam bith a tha gu reusanta air am meas a bhith nam pàirt de dh'adhbhar na dreuchd. Tha geàrr-chunntas ann gu h-ìosal de na dleastanasan a tha sibh buailteach a bhith coileanadh san dreuchd seo:

1. Bidh sibh a' toirt comhairle is taic do dh'ùghdarrasan poblach nuair a tha iad ag ullachadh nam planaichean Gàidhlig aca.
2. A' measadh dreachdan de phlanaichean Gàidhlig mus beachdaich an Sgioba-stiùiridh agus am Bòrd orra.
3. A' cuideachadh le bhith a' measadh iarrtasan a gheibhear airson Maoin Buileachaidh Achd na Gàidhlig, agus a' cuideachadh le bhith a' measadh gu cunbhalach mar a thèid na pròiseactan a chur an gnìomh.
4. A' cur bhùthan-obrach trèanaidh air dòigh airson ùghdarrasan poblach a tha ag ullachadh phlanaichean Gàidhlig. A' comharrachadh agus a' trusadh sàr mhodhan-obrach a thaobh phlanaichean Gàidhlig agus bidh sibh gan roinn le càch.
5. A' cruinneachadh agus a' co-roinn fiosrachadh mu dheagh mhodhan-obrach a tha sibh air comharrachadh ann an Alba
6. A' comharrachadh dhuilgheadasan a th' ann ann a bhith cur phlanaichean Gàidhlig reachdail an gnìomh.
7. A' coileanadh dleastanasan reusanta sam bith eile co-cheangailte ri bhith cur Plana Corporra Bhòrd na Gàidhlig an gnìomh agus dleastanasan reusanta.

Comasan, Eòlas is Teisteanasan

Tha na leanas **riatanach** airson tagraichean a tha a' cur a-steach airson na dreuchd seo:

1. Sgilean a thaobh a bhith a' stiùireadh phròiseactan agus comasach air grunn phròiseactan a stiùireadh aig an aon àm agus air cinn-ama a choileanadh.
2. Sgilean breithneachaidh agus rianachd.
3. Comasach ann a bhith a' togail dàimhean làidir, iomchaidh agus èifeachdach le diofar dhaoine.
4. Sgilean barganachaidh agus co-rèiteachaidh.
5. Deagh sgilean eagrachaidh, planaidh agus math air pròiseactan a stiùireadh.
6. Comasach air obair a dhèanamh fo ur stiùir fhèin
7. Poileasaidhean a chur an sàs ann an diofar shuidheachaidhean practaigeach.
8. Comasach air bathar-bog cumanta a chleachdadh, me, Outlook, Word, Excel, Internet Explorer.
9. Fileanta ann an Gàidhlig, ga bruidhinn agus ga sgrìobhadh.
10. Fileanta ann am Beurla, ga bruidhinn agus ga sgrìobhadh.
11. Foghlam air a choileanadh gu co-dhiù Ìre 8 SCQF
12. Teisteanas freagarrach ann an cuspair buntainneach (leithid Gàidhlig, leasachadh na Gàidhlig, planadh cànan) agus / no co-dhiù trì bliadhna de dh'eòlas iomchaidh

Tha na leanas **ion-mhiannaichte** airson tagraichean a tha a' cur a-steach airson na dreuchd seo:

1. Eòlas agaibh air a bhith ag obair aig ùghdarras poblach Albannach no eòlas air cultar agus doighean-obrach na roinne poblaich ann an Alba

Fiosrachadh eile

A bheil dleasanasan stiùireadh loidhne ann:	Chan eil
Tuarastal:	B2: £36,944 - £42,244
Sochairean	Bidh luchd-obrach le cùmhnant maireannach, no cùmhnant sealach a mhaireas 3 mìosan no nas fhaide, nam buill de Mhaoin Peinnsein Comhairle na Gàidhealtachd, mura dèan iad iarrtas gus tarraing a-mach. http://www.highlandpensionfund.org
Bu chòir tagraichean airson na dreuchd seo cuimhneachadh: • Feumaidh an dreuchd seo sgrùdadh Foillseachadh Alba (Disclosure Scotland). • Bidh agaibh ri siubhal mar phàirt den obair seo, a' gabhail a-steach oidhcheannan air falbh bhon dachaigh corra uair.	

Seo tuairisgeul air an obair mar a tha i an-dràsta. Tha e na chleachdadh àbhaisteach ath-sgrùdadh a dhèanamh air tuairisgeulan obrach bho àm gu àm gus dèanamh cinnteach gu bheil iad buntainneach dhan obair a thathar a' dèanamh aig an àm sin, agus gus dèanamh cinnteach gu bheil e a' gabhail a-steach atharrachadh sam bith a tha air tachairt no a thathar a' moladh.